
RAGAD ADVERTENTIE:

Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.

Advertentie limrah: f 0,15 sagaris;
(apes: f 1,25).
Moendoet kapatjak langkoeng saking sapisan,
oetawi moendoet dados lengganan,
tepatang rembag roemijin kalijan administrasi.

Hoofdredacteur:

A. DJAJASEPOETRA.

kabantoe

REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA

1 taoen . . . f 6,— } njoewoen kabajar
1/2 " . . . f 3,— } roemijin.
3 woelan . . . f 1,50 }

Adrèsipoen Redactie lan Administratie

IGNATIUS-COLLEGE

DJOKJAKARTA.

Telefoon no. 795.

Drukkerij „Canistius” Djokja.

PRADJA RAHAJOE.

TANGGAP WITJARA:

Kagem lelimbangan sad. Rr. Triati.

Noewoen. Sadèrèngipoen panjerat nglairaken gagasan, sanget noewoen doemateng Ramè Redacteur, déné karsa maringi papan ing oedyana ngriki. Sarta njoewoen pangaksama datang para maos.

Ing Swara Tama no. 36 wonten goebahanipoen sad. Rr. Triati, a-sirah: „Dadosa penggalihan.” Keparanga koela njaosi boemboe mbok bilih saged mawahi mirasipoen, soekoer jèn rasi saged nambaraken pedes, pait getir ing panggalihipoen sad. kasebet.

Mitoeroet kawontenaning mondok, panjerat oegi sampoen ngalami: Kirang seneng, kirang marem.

Saking pamanggihipoen panjerat, djalarnipoen makaten:

a). Boten saé tedanipoen. Tegesipoen ingkang kasadijakaken boten tjoetjog lan kadjengipoen, oetawi pakaremanipoen.

b). Boten kaleresan papanipoen. Kirang resik, kirang sekétja, kirang asri sasaminipoen.

c). Kirang mardika. Boten saged sakarsa-karsa; djer kedah ngèngeti wantji pranataning grija ngriko.

d). Pambajaring tedi kamanah kawisen.

Menggah kirang pamarem, panjerat boten njaosi limbangan, amargi gadah kejakinan jèn: Pamarem poenika: alam ngriki boten wonten; katanda: Tijang sampoen pinter taksih kepéngin saja pinter. Jèn sampoen kadoemoegèn sedyanipoen meksa dèrèng marem. Samanten oegi tijang soegih, njamboet damel, pangkatsasaminipoen, tansah boten marem-marem.

Samangké gentos nggalih para ingkang dipoentoempangi.

Inggah dipoentoempangi ratjak sampoen sami mengko balé grija, pepoetra; lan oegi njamboet damel kanggé pangoepea djiwa. Tetijang waoe oegi gadah koewadjaban lan tetanggahan. Kadosta: Prijantoenipoen djalarn nggadahi koewadjaban ngpados goena kaja kanggé nggesang brajat. Ananggal brajatipoen moerih tansah djendjem gesangipoen, kanti kadidik sapanfesiipoen, moerih sampoen ngantos toeni ing gesang.

Prijantoenipoen èstri wadji anggemèni woeloe-wedaling panjamboet damelipoen kakoeng, moerih tjepak kanggé betahing balé grija, soekoer bagé saged tirah. Mila kalabetan tina-tini panjamboet damelipoen, aloewoeng rekaoes sakedik, katimbang ngedalaken arta ingkang remèh tandjanipoen. Koewadjaban waoe taksih kaèmbèl-èmbèl nganggoela-wentah, lan nanggèl poetraniipoen, moerih saged dados djanma oetami ing pawingkingipoen.

Samangké mangga kagatoekaken kalijan eisch kita tijang mondok.

a. Koela pamondok ngadjeng-adjeng kaleresan tedanipoen kanti saé-rah (boten awis ning saé). Inggah dipoentoempangi pamanggihipoen makaten: „Mangan ikoe la-woehé loewé; angger akoe njamboet gawé sregep, mèmèng, sport enz. mangankoe sanadyan paribasan sega karo sambel ja énak, mirasa; kebeneran. Jèn mangan tjara wong soegih kanti mboeri grobjagan! mesakaké!” Mangka boetoeh lijan isih akèh kang koedoe dirampoengi nganggo doewit. Oepama: Swara Tama, Soera Kath., Koerier, Padjeg, Contributie. Bajaré tolé enz. Bilahi tenan, jèn mangan énak-énakan. Apa ora njwara-Tama, Ngoerier, ngroekti Woeri? Dados ingkang dipoentoempangi kepeksa ngirit panedanipoen, kabekta katah koewadjabanipoen. Mangka betah koela inggih boten sekedik, sami kèmanon lan ingkang gegrija namoeng kaot sa-brajat lan poetra réntjangingipoen. Nanging koela meksa boten djendjem margi sampoen kètjalaran pambajaring tedi boten sakedik, nanging kirang mèmper wedalipoen.

Jèn makaten poenapa loewoeng djadjan! miraos. boten anjel.

b. Papan ingkang koela senengi kaleresan. Mangkoe margi, asri, saé, resik, redja, toer tjelak papan padamelan, tjepak lan kabetahan koela saben dinten. Pangadjeng-adjeng ingkang makaten waoe kinten koela tangèh tjoetjog lan kadjenging ingkang dipoentoempangi. Djer kabetahanipoen mboedjeng tjekaping perloe, saéning toemindak, tentrem.

c. Kamardikanipoen penoempangi: Toemrap sadèrèk ingkang noempang ratjak taksih lamba. Adatipoen jèn tansah ndoewel wonten pondokan kirang sekétja. Kedah tjarik angin oetawi mèmèng sinaoe, cursus Walandi, engelsch, Boekhouding, mèmèng datang pakempalan ngantos asring-asring kirang merlokaken oetawi menggah ingkang pinondokan. Bab lelampahan ingkang makaten waoe oegi asring ndadosaken kirang sami sakétjaning manahipoen ingkang dipoentoempangi, malah asring seling serap kalijan èstri, roemaos padamelanipoen boten dipoenaosi déning pemondok. Mangka panggalihanipoen prijantoen poetri poenika landep; mila jèn kirang pangatos-atos asring bertjek—tjokan.

d. Bab kost-geld koela pemondok pados mirah timbang lan sadajanipoen. Prakawis poenika boten gampil sadèrèk. Boten gampilipoen lelajanan kalijan prijantoen poetri ingkang mila kadjabah ngobèngaken arta rinten daloe moerih kasampadan betahipoen gegrija. Amargi oegi asring kelampah sanadyan mbajar katah f 25 of f 20 tedi kasami lan ingkang mbajar f 10 oetawi sémahipoen ingkang nrimahan. Inggih ingriki poenika oenderan ingkang gampil andjalari gatik. Prijantoen poetri gadah wadji gemit, koela neda semoea. Wonten ngriki prijantoen poetri binggoeng. Manoet koela penoempangi poenapa netepi wadji. Jèn manoet koela, koela seneng, jèn manoet kedah netepi wadji, koela béka. Saking wawasaning panjerat: saé kapendet tengah-tengah, soepados sami sakétja toemindakipoen.

Bab pandjaginipoen: penoempangi oegi asring kirang seneng. Djalaran asring noekoelaken seling serap, karana koela seneng vrij, ngrikoeng ngendalèni. Langkoeng—langkoeng idam-idaman samangké bab kamardikan. Inggah sanjatanipoen kamardikan kanggé manoesa ingkang soewita ing Allah poenika tansah ingamping-ampangan angger-angger 10 lan anggering Pasamoean Soetji. —Mila asring kelampahan sadèrèk mondok contra kalijan ingkang dipoentoempangi, margi roemaos katiyah kamardikanipoen ing bab kasoesilan. Pangraosipoen ingkang djagi boten gadah wenang.

Menggah oengel-oengelaning sadèrèk: „Jèn ora gelem mbajar seméné, manggon saanané, ja loengaa.” Sad. Rr. Triati: „Hla tjilaka ané, harak kados-poendi raosing manah?” Poenika kanggé panjerat: mawimaw. Liripoen walak-walak ingkang dipoentoempangi. Manawi koela blandja f 30 of f 25 badé noempangi prijantoen K. S. er oetawi H. K. S. er ingkang dahariipoen saé, satimbang lan salarisipoen, mangka kijat koela mbajar f 10 oetawi f 12,5 (50% kekijatan) tedi neda sami lan huisbaas, rak meroegikan toewan roemah, mangka kita boten kénging damel pitoena. Poenapa badé kesakit-sakit jèn katampik. Harak boten.

Mila oegi sampoen kesoepèn mawas prijantoen ingkang dahariipoen padintenan sakinten timbang lan arta ingkang badé kapantjèkaken tedanipoen ngriki. Dados boten wonten raos-roemaos boten tentrem. Sampoen ladjeng ngadjeng-adjeng: „pangan apik toer satitik pambajaré.”

Wondéné pamanggihipoen sad. Triati (sagedipoen roedjoek, inggih poenika kedah ngertos koewadjabanipoen pijambak-pijambak) koela ragi mak greg. Menggah pamanggih

ISINIPOEN.

Tanggap witjara — Bebajanipoen méndring — Dongèng — Poenapa kirang djampi enz. — Tindak kirang sakétja — Moendoeripoen goena enz. — Poespiia mantja warna — Ontjèn sekar gambir melati — Oerap — sari — Correspondentie.

koela, kilap leres lan botenipoen, soemangga:

Sagedipoen roedjoek, langkoeng roemijin kadoengkap sambang liripipoen, — kawontenanipoen — wewatekanipoen — sarta sampoen ngantos wonten raos peksan. Jèn sampoen katiandongan, sami karsa:

1. Samad — sinamadan. Penoempangi sampoen angatinalaken doepèh sampoen netepi djandjinipoen, ladjeng anggadahi kaoemoekan. Jèn kirang kaleresan wenang ngrawoes, apes mblebes mbalang oelat bening — leri. Nanging ngroemaosana jèn kapitoeloengan ing sanès bab kabetahanipoen sawatawis déning tijang ingkang sampoen gadah sesanggaman awrat. Samantena ingkang dipoentoempangi oegi sampoen kawidjèn „tinggi hati” doepèh roemaos noeloengi ngolah-olahaken lan ndjagi, nanging roemaos jèn toeloeng-tinoeloeng poenika wadji bing gesang sesrawoengan. Aloewoeng sami anggadahan panganggep bilih poenika koeli dagingipoen pijambak, toenggi jaja-jaja.

2. Ngindakaken tepa-sarira: Liripipoen Penoempangi sampoen anindakaken poenapa-poenapa ingkang adamel rekaos — saha pitoenaning sadèrèk tinoempangan agengipoen adamel pinggeting manah. Kadosta: Jèn tindakan tanpa prasaben, ngantos dados entos-entosan, sadjalaran moebadit, tinengga agelagelik boten kondoor-kondoor. Sareng katilar tilem rawoeh adamel kagèt, langkoeng — langkoeng saweg wonten ingkang sakit, sasaminipoen, oetawi damel kirang sakétjaning tongka tepalih, margi boten angèn kosok sanès wantjining ramé-ramé, oera-oera enz. Inggah makaten poenika kadjawi damel rekaoeng manahipoen ingkang pinondokan, oegi tangga tepalih. Awonipoen doemawah ingkang ngadosi.

Makaten oegi poen tinoempangan oegi sampoen damel pranatan warni-warni, toemrap badanipoen pijambak lan penoempangi; dados sampoen binéda tjara. Sarta sami prajogi ngwontenaken manah kasabaran. Angènggetana reratjikan kina poenika: Wekaskoe adja lali, jwa ngegoengaken raga, élinga pada djanma, riratri anandoezna, tepaning awakira.

Jèn sira nora dangan kataman samoebarang, kang toemandoek ing sira. Mrih hardja: ajwa sira tandoeaken maring lijan.

3. Adjèn-ingadjénan: Samija angroemaosi bilih penoempangi oetawi ingkang tinoempangan djalarn èstri waoe nadyan djanma nista-papaboten asli, pantès sami adjèn-ingadjénan sampoen pisan ngatingalaken langkoeng loehoer — pinter — enz. Èngeta: Sing sapa kepéngin diadjèni, ngadjènan disik.

4. Tresna-tinresnan, poenika kedah. Lan saleresipoen poenika ingkang mengko sadajanipoen, inggih ndjagi, ngaosi, mitoloengi, tepa, narimah, adjèn-ingadjénan enz. Dados kita Kath. kedah lebet tandjaning katresnan kita katimbang sad. sanès kapitadosan. Déne witing tresna tan lija saking koelina. — Wonten oengel-oengelan: Tjara wreksa, wreksa wilis tanpa patra. Nora gampang oeripè neng ngalam donja, teka inggih mèmper nanging sampoen koewatos.

— Aksamanta jèn wonten lepat koela.

Noewoen. Rr. Madyati.

ECONOMIE.

BEBAJANIPOEN MÉNDRING.

Manawi koela niling — nilingaken, oetawi mireng raroasanipoen tijang-tijang, tijang poenika manawi toembas remen méndring. Dalasan ingkang gadah barang kèmanon pisan inggih akèn méndring. Tandaniipoen manawi koela ningali wonten advertentie oetawi toko ingkang sami ider toeroet doesoendoesoen. Ing serat kabar kita Sw. Tm. kados sampoen naté ngrembag bab awon lan saénipoen méndring, mila sapoenika ingkang badé koela atoreraken bab babajanipoen tijang méndring.

Gèk sinten tijangipoen ingkang boten kapéngin méndring, namoeng kètjalaran arta sakedik kèmanon saged angsal barang regi atoesan; nanging émanipoen awis ingkang ngèngeti babajanipoen oetawi awratipoen ing wingking. Menggah babajanipoen méndring ingkang kerep kalampahan poenika warni-warni.

1. Saged ndjalari dipoenboei (inggih poenika dipoenboei ingkang nedani tijang ingkang akèn mboei waoe). Déne sagedipoen dipoenboei ingkang kados makaten poenika: méndring barang oetawi arta ingkang boten saged ngadjengaken nitjil. Mangka barangipoen sampoen boten wonten. Manawi barangipoen taksih saged ladjeng namoeng tjepak barangipoen kadjabel. Saweg namoeng kadjabel pisan gèk pinten poenika toeninipoen. Menggah ingkang saged kalampahan makaten poenika limrahipoen méndring arta oetawi méndring barang ingkang gampil panjadénipoen oepami: ranté, djam, gelang lsp. Déne manawi roepi pit oetawi zinger (mesin) kados angèl panjadénipoen: tijang manawi njadé kedah nganggé prandana manawi sampoen kabajar loenas. Sapoenika kados poenapa kasangsaranipoen tijang ingkang dipoenboei kados makaten poenika.

a. Aosing badanipoen temtoe soeda.

b. Anak rajatipoen makaten oegi ahli warisipoen tamtoe sami soesah. Mangka sagedipoen ngedalaken tijang ingkang kaboei waoe: manawi sampoen saged mbajar samboetan lan arta tedi ing salebetipoen kaboei poenika. Mila manawi kepéngin ngedalaken inggih kapeksa njadé poenapa gagadahanipoen.

c. Boten saged angsal pangoepeadjiwa: dados tamtoenipoen kapiran, bab ing sadajanipoen toemrapping anak rajatipoen. Toemrapping para sadèrèk ingkang njamboet damel dines oetawi tampinipoen blandja saben woelan, taksih saged tami blandja: Nanging manawi ngantos dangoe poenapa boten.

d. Badé ngisakaken balé grija: gèk sinten ingkang badé ndjagi grijanipoen!

2. Manahipoen boten saged tentrem (tansah koemroengsoeng) awit manawi tanggal nèm kapeksa „doea belas ingatan bekerdja” inggih poenika mranata arta ingkang kanggé tjitjil lan betah sanèsipoen.

Wondéné manawi manahipoen boten tentrem tamtoe kèmanon toemoesipoen datang pandamelan awon. Lah kados-poendi manawi pandamelanipoen awon; saged ndjalari poenapa . . .

Sapoenika genah sampoen tjeta manawi katah tijang ingkang sangsara margi kados makaten, la kok prijantoen ingkang bajaran poenika, manawi boten gadah borg boten kénging njamboet datang bank. Lan bank boten ngawontenaken tanggoeng rénten. Poenapa bank boten pitados datang prijantoen bajaran poenika. Lah déne manawi njoewoen voorschot poenika kok tamtoe sah-ipoen.

Mila inggih boten nggoemoenaken manawi para prijantoen ing Salatiga oetawi Semarang poenika katah ingkang nradjang datang rentenier, oetawi sangsara margi kados ingkang kasebat.

GARIS: Karangdjati.

„DONGÈNG.”

Manawi koela anjarisaken lelampahanipoen (Administratienipoen) sanak sadèrèk, tangga tepalih, me-mitran lan sanèsipoen, poenika saged andadosaken kirang prajogi kedadosanipoen, apes-apesipoen andjalari dados ing pasoelejan. Mila saking poenika, ing riki koela andaraken kawontenan (administratie) koela pijambak, wiwit koela tjepeng damel blandja alit doemoegi sapoenika blandja saktjekap.

Rikala koela wiwit njamboet damel sapisanan, dasar taksih laré saged tami blandja, senaosa saweg sakedik blandja koela, ananging koela sampoen roemaos seneng, seneng koela waoe, déné koela ladjeng boten dados damelipoen tijang sepoeh, kosok-wangsoelipoen tijang sepoeh koela inggih sami memoe-dji sjoekoer, déné koela sampoen saged ngpados tedi pijambak.

Menggah ingkang badé koela atoreraken waoe, boten sanès namoeng anggèn koela ngoebetaken betah ing saben dinten-dintenipoen, noeroeti krenteging manah (noeroeti karsaning prijangga).

Rikala blandja koela taksih sakedik, administratie koela saged berès, saben sawoelanipoen saged gadah tirahan seroepejah oetawi kalih roepijahan, amargi: inggih namoeng sak narimah, oepaminipoen:

I. Panganggé bangsa mirah-mirahan; sindjaring tjap, djas léna ngawan-ke-tipan enz; terkadang djas koem-bahan pijambak (boten sètlakan).

II. Neda trimah sekoel djangan, ngombé trimah wédang beningan terkadang toja-tawa (sanès air ès).

III. Ses; ses wiroe (rokok klobot mbako semploel) asring-asring malah boten ses.

IV. Kekésahan sakinten namoeng 3 paal tebihipoen trimah darat.

V. Boten sieng-sieng kedah toembas; késah djagong kèmanon awis-awis, senaosa djagong inggih trimah ngempal golongan ngoelama, perloenipoen boten main domino, pèi, kowah sapanoenggilanipoen.

Tjekakanipoen pikadjengan namoeng narimah.

Ananging, dangoening dangoe njamboet damel saja dangoe, blandja saja mindak, blandja mindak-mindak, pikadjengan oegi mindak (inggih boteeeeee!!!).

Kawoeningana rikala blandja koela saweg radi mèmper, pika-djangan koela No. I, II doemigi V waaah sampoen mindak tikèl kap-ping pintenipoen kèmanon, malah pados saldo kèmanon kèwedan.

Sareng koela angsal alangan kèndel saking pandamelan, ing mangka boten gadah tjélèngan, tijang sepoeh koela ladjeng sami anoe-toeh ing badan koela, djalaran koela: manawi gadah blandja boten èngèt tembé wingking (sak mangsa-mangsa nganggoer) woesanipoen namoeng tansah nandang redatin.

Boten antawis woelan ing sarèhning badan dèrèng poeroen kesakit-sakit, ladjeng angsal pandamelan, ing riki koela ladjeng gadah nijat, andadosi administratie koela, sampoen ngantos kados ingkang sampoen-sampoen.

Éwasamanten sareng sampoen angsal watawis woelan, meksa ladjeng kedah sing-sing.

Dangoening-dangoe blandja sampoen radi mèmper, pikadjengan koela waoe saja tambah tikèl-tekoek; mrika kedah ragad arta, mrika kedah tjetoetjel arta, hlawong koela kerep kèmanon, manawi késah tetoewi, doemogining enggèn namoeng kaadjak tjagak-lèk, oepami pèi, manawi koela wangsoeli, emoh ora bisa; — totit — ja emoh — kowah — emoh jah — selikoeran — réwangé sapa ta — iki wis genep — hijoh ajo!!

Malih-malih koela oegi goemoen pijambak, rikala koela taksih blandja sakedik sanget, toko-toko ingkang panggenanipoen noenggi doesoèn kèmanon boten poeroen pitados datang koela, nanging sareng

*) film woelanan — minggon enz. (G. M.).

OERAP - SARI

(PETIKAN SERAT - SERAT KABAR SANÈS)

KABAR KATHOLIEK.

Selangkoeng taenan.

Tanggal 28 September poenika, P. Wouters ing Prabalingga, amèngeti anggènipoen diomeneng Imam sampoen salangkoeng taenan.

Pandjenenganipoen warganing Orde Carmelieten, mijosipoen wonten Gassel (Noord Brabant) kala 2 Mei 1885. Anggènipoen makarja wonten Missie ngriki, kala taon 1924. Mgr. van der Pas, poenika roemijin kantjanipoen toenggil saeklas.

Tjatjahing sakolahan Katholik.

Manoet tjatetan, tjatjahing sakolahan Katholik ing Inggris mindak katab.

Tjatjahing pamoelangan andap Katholik sapoenika wonten 1164, poenika mindak 20 tinimbang kala taon kapengker. Moeridipoen 426.665, poenika langkoeng 8604 tinimbang kala taon 1928.

Déné sakolahan partikelir andap gadahanipoen Protestant katingal moendoer, soeda 86 tinimbang taon kapengker. Salebetipoen sataoen Pasamoewan Anglikan noetop sakolahan 75.

Sakolahan sataoen gadahanipoen Katholik sapoenika 82, mindak 2 tinimbang kala taon kapengker. Moeridipoen sakolahan poenika 20.570.

Pakempalan Katholik (pakempalan sosial) ing ngriki, inggih katingal madjeng. Kala taon kapengker saged ngadani soedjarahan ambal kaping tiga: dateng Roem, Lourdes toewin dateng Tanah Soetji. (Koerier).

Pahargian Sakramèn Maha Soetji.

Kala 15 Agoestoes poenika, ing Jugo Slaviè wonten Eucharistich Congres, manggèn ing Zagreb (Agram).

Inggih andèrèk Konggrès waoe boten kirang saking 100.000 tijang.

Sèket taenan Missie Afrika Kilèn.

Nembé poenika Missie Afrika

Kilèn bawah Inggris amèngeti anggènipoen sampoen oemoer sèket taon.

Anggènipoen mèngeti wonten Elmina, sarta kanggé pangèngèt-èngèt damel retjanipoen para Pastoer, Broeder, toewin Zuster ingkang sami sèda wonten Missie waoe, i.p. wonten 65. Ngoelama semanten waoe, ingkang 16 anggènipoen sèda sareng panjamboet damelipoen wonten Missie ngrikoe angsal sataoen, ingkang 14 sareng sampoen kalih taon, ingkang 12 sasampoenipoen 3 doemoegi 5 taon, ingkang 13 sareng panjamboet damelipoen sampoen langkoeng saking 5 taon.

Dados para ngoelama ingkang sèdanipoen sareng panjamboet damelipoen wonten Missie waoe sampoen pikantoe gangsal taon, poenika namoeng 35%. Kawontenan makaten poenika, sampoen mratah wonten Missie ing Afrika Kilèn. Nanging, gandarjanipoen inggih soemboet kalijan koerbanipoen, djer tjatjahipoen tijang Katholik ing ngrikoe sapoenika wonten 70.000.

Ngoelama Priboemi.

Manoet poetoesanipoen Congregatie der Propaganda Fide, kabisikopan Verapoly ing Hindoe tjalon kapérang, sarta péranganipoen wonten ingkang ladjeng dados tjepeng-anipoen ngoelama bangsa Hindoe.

Imam Tionghoa Frans Ciu, winisoeda dados Apostolisch Vicaris ing Fenyang (Sansi, Tiongkok).

Ing Wellington (Nieuw Zeeland) mentas wonten Biskop bangsa Prasman sèda, asmanipoen Chapuis.

Inggih tjalon kagentosaken Biskop poenika waoe, ngoelama Priboemi. Katjarijos, kala sèdanipoen Biskop kaseboet nginggil, mawi nilari serat pitoetoer saé anrenjoehaken dateng ngoelama ngoelama Priboemi. Biskop waoe kala soegengipoen tansah amboedidaja ing sasaged-sagedipoen soepados ingkang nglenggahi dampar Kabiskopan poenika, Imam Priboemi.

KABAR OEMOEM

INDONESIA.

Tionghoa Islam.

Toewan Oei Tjeng Hien, Tionghoa pranakan, soegih, kalahiran Padang dados Islam sarta dados pangarsaning pakempalan Mohamaddijah ing Bintoean (Sumatra). Ing sakawit pakempalan M. D. ing ngrikoe warganipoen namoeng 25, sapoenika sareng dipoentjenging pi-jambakipoen dados 300. Saking labetanipoen sadèrèk Tionghoa waoe ing Bintoean saged dipoenedegi masjid kanti waragad f 6000. (De-wan).

Bal-balan Loh Hwa.

Kala Loh Hwa main bal-balan wonten Medan salebetipoen kawan dinten pikantoe arta f 18.000: gemeente angsal paos f 2900. (Arta semanten poenika boten sakedik).

Onze Stem.

Kala 1 September kapengker poenika, oemoeripoen orgaan I.E.V. ingkang anama *Onze Stem* djangkep oemoer sadasa taon.

Kala wiwitipoen medal, orgaan waoe namoeng 4000 lembar, isinipoen ngalih welas katja, medalipoen sawoelan kaping kalih.

Sapoenika, oplaag-ipoen dados 14.400, kandelipoen 24 katja, medalipoen saminggoe sapisan. (Kados-poendi "*Swara Tama*" lan "*Soeara Katholik*??")

Poenale Sanctie.

Koeli-ordonantie énggal toemrap tanah Sabrang sampoen kaladosaken dateng Raad Kawoela.

Rantjangan waoe amratélaken badé soewakipoen Poenale Sanctie saking sakedik.

Tilgram dateng Djepang.

Wiwit Oktober ngadjeng poenika, saged kintoen serat tilgram dateng Djepang medal radio oetawi kabel, waragadipoen 54 sèn satemboeng; apesipoen f 10,80.

PAWARTOS NGAJOGJAKARTA.

Kala Ngahad 21 September P.P.K.D. afd. Mataram saestoe damel parepatan angrembag Balé Agoeng, sarta moetoes:

a) Tjotjog kalijan adegipoen Balé Agoeng b) Basa ingkang opisiwil wonten parepatanipoen B. A. prajogi basa Djawi. c) Moegi para warga kaparinganana recht van interpretatie d) Para warga manawi medar sabda wonten parepatan B. A. kedah boten kènging katarik ing pangadilan. e) Soepados warga wonten ingkang pilihan toewin benoeman. f) Warga miroenggan tetiga ing B. A. soepados dipoentjaji kèwawon; botenipoen makaten warga miroenggan tetiga ingkang ing semoe dados wawakil Goepermèn poenika, dipoenpilih ing kawoela Goepermèn pilambak, dados boten benoeman saking pandjenenganipoen Goepernoer.

— Ing salebetipoen 7—13 September, tijang

Boten pikantoe moelang.

Radèn Roestamadji, goeroe H.I.S. lan schakelschool Taman Siswa Bandoeng, roemijin siswa Osvia Madioen, nanging margi angèn—Angènipoen ingkang mengsah paréntahan Nederland kepeksa nilar sakolahan waoe, katjarijos dipoenawisi moelang déning Goepernoer Djawi kilèn. (Kaoem Moeda).

Dipoenkinten kastrol.

Sum. Post. njarijosaken, ing onderneming Laboean Hadji, mentas wonten kraniobat njoekani kastrol dateng tijang koeli kontrak kanggé anakipoen, nanging ingkang dipoensoekakaken waoe kalèntoe chenopodum. Let sadinten laré pedjah.

Angitjali palanjahan.

College B. & W. angladosaken rantjangan pranatan kanggé merangi palanjahan dateng gemeente raad ing Betawi, minangka gentosipoen pranatan sapoenika ingkang kamanah boten patos anjekapi.

Rantjangan waoe damelanipoen wethouder t. Hildebrand (— prijantoen Katholik — Red.) ingkang saking rembagipoen hoofdcommissaris van politie mawi dipoenéwahi sakedik, sarta saladjengipoen dipoentjotjogi College B. & W.

Rantjangan waoe kados ing ngandap poenika:

Art. 1 Ing rantjangan poenika, ingkang kanamakaken margi oemoem:

a). Sadaja margi ingkang kènging dipoentandangi publik, margi-margi ageng, trottoir, margi soekoe, galerij, gang-gang, plantsoen, kreteg-kreteg lss.

Art. 2. Tijang djalera èstrija boten kènging mlampah wonten margi oemoem, manawi anggènipoen mlampah wonten ngrikoe tjeta nedyang angdjak tijang sanès nglampahi ingkang awon; oetawi kèndel, ngentos, mlampah soekoe oetawi noenoempak wirawiri ing margi oemoem waoe.

b). Wonten ing margi oemoem, oetawi wonten papan ingkang katingal saking margi oemoem amantjeng, anggendeng tijang soepados nglampahi awon sarana tetemboengan, pasmitan, oetawi tengeran sanès-sanèsipoen.

Art. 3. Sinten ingkang nerak pepatjak ing art. 2 dipoenekoem denda katab-katahipoen f 100, oetawi oekoeman koendjara dangoe-dangoenipoen sawoelan.

Ing ngriki, ladjeng tètela poenapa ingkang dipoenwastani margi oemoem. Dados sanadjan anggènipoen mindakaken pratingkah ingkang nggegèndeng dateng prakawis waoe boten wonten margi oemoem, nanging oeger katingal saking margi oemoem, poenika sampoen saged kakeoemaken.

Dinten ageng Nationaal.

Het Nieuws njarijosaken ing kalangan kabangsan wonten sedyabade ngawontenaken dinten ageng kabangsan, kadawahaken wonten ing tanggal 18 Agoestoes, i.p. dinten wiwiting pamriksanipoen prakawisipoen Ir. Soekarna.

Dateng Bali.

Tanggal 26 September poenika, studenten T.H.S. badé késah dateng Bali.

Bank Nationaal Indonesia.

Bestuur Bank Nationaal Indonesia, neda dateng Centrale Kas soepados poeroen ngontrol Bank waoe. Dirèktoer Centrale Kas saged nanging mawi pradjandjan: ingkang dipoenkontrol waoe boten namoeng boekhouding, nanging oegi toentoenan oetawi bedrijfsleidingipoen bank waoe. Awit manawi namoeng boekoenipoen kèwawon ingkang dipoenkontrol, inggih leres kaoem kabangsan saged migoenakaken poenika kanggé propaganda, nanging toemrap dateng lampahipoen artanipoen Bank waoe, boten andajani poenapa-poenapa. Kedjawi makaten, kontrol boekoe waoe dedé bebahanipoen Centrale Kas, nanging bebahanipoen Accountant.

Arta boten kanggé.

Salebetipoen woelan Agoestoes, Algemeene Rekenkamer sampoen ambesmi arta kertas damelan Nederland 500.000 lembar njaringgitan, 320.000, njaroepijahan; damelan Amerika 80.000 lembar njaroepijahan.

Ngesat rawa.

Rawa Tanggal satjelakipoen doesoen Maleman (Loemadjang) lebet 1½ M. wijariipoen 700 baed, dipoenesat. Saben dintenipoen ingkang njamboet damel boten kirang saking 500 tijang prantéjan, tojanipoen ing salebetipoen sawoelan kèwawon sampoen saged kailèkaken dateng moewaranipoen lèpèng Bandajoea.

Opiumregiebond.

Kabaripoen woelan ngadjeng poenika, O.R.B. badé damel konggrès wonten Soerakarta, dangoenipoen tigang dinten. (Sw. Pbl.).

ONTJÈN SEKAR GAMBIR MELATI.

PERLOE DIPOEN PANGGALIH.

Kita gesang amèngi djamangre-kaos, djamangre-soek-soekan pados panggalangan.

Laré-laré wedalan pamoelangan andap, boten komanan papan, kedesoek ingkang wedalan nginggil.

Prakawis ingkang makaten poenika, kedah dados panggalihan.

Koela mentas maos pakabaran ingkang sanget dados pamanahan koela, pakabaran poenapa?

Serat kabar A. I. D., njarijosaken bilih toewan Ir. Biezeveld, moedapangarsaning I.E.V. afd. Bandoeng, aneda dateng Pangrèh Ageng I.E.V. soepados pakempalan poenika waoe, ngawontenaken pamoelangan gerdji, lan toekang motongi badé.

Manoet pamirengipoen toewan B. saking gerdji misoewoer, wekdalsapoenika ing ngriki kekirangan gerdji bangsa Indonesia. Poenapa sababipoen? Gerdji-bangsa Indonesièr waoe, pamedalipoen katab. Margi makaten, anakipoen kasakolahaken wonten sakolahan andap toewin Mulo. Lan, ... satamating pasinaonipoen, laré-laré anak gerdji waoe, boten poeroen dados toekang mendjahit.

Déné anak-anakipoen golongan sanès, golongan boten gadah inggih boten poeroen njamboet damel gerdji. Amargi: laré waoe boten saged kapigoenakaken wonten panggaotan Éropah; mangka manawi njamboet damel wonten kalanganing bangsa pijambak, poen djoeragan boten wani ambajar katab toer inggih boten saged mratikelaken ngantos dados gerdji peng-pengan.

Angèngeti ing nginggil poenika, toewan B. amahan perloe adegipoen pamoelangan gerdji. Dados kanggé anjampti kabetahan lan, saéning panggaotan Éropah. (— Ateges oegi njampeti pangoejadiwanipoen laré-laré Indo wonten ing djamangre-soek-soekan poenika —).

Kadjawipikantoe piwoelang amotongi toewin andondom-andondomi, laré-laré waoe inggih kedah dipoenwoelang: boekhouding alit-alitan; kawroeh toetombas; poenapadéné pratikel sasadéjan.

Déné prakawis wragading sakolahan, boten perloe dipoenkoewatosaken. Djer sakolahan waoe, inggih ngiras papan anggaota, ingkang saged anjampti kabetahanipoen pijambak. Malah jèn kaleresan saged pikantoe babatèn katab kados pamoelangan gerdji ing Dresden.

Laminipoen sakolah wonten ngrikoe, kalih taon.

Makaten sadèrèk, oesoelipoen toewan Biezeveld waoe.

Prakawis ing nginggil poenika mila pantes dados panggalihan. Oesoelipoen toewan waoe, loemantar Ontjèn poenika, koela soegatakaken oegi sadèrèk goeroe ingkang manonggil wonten ing pakempalan P. G. H. B.

Sambat kalijan rembag ing nginggil, para maos boten kènging-boten mesti ladjeng kèngetan piwoelang asta gina ing pamoelangan angka kalih.

Pamedal S.S. tansah soeda-soeda.

Salebetipoen woelan Agoestoes poenika, pamedalipoen S.S. manawi katandjing kalijan kala Agoestoes 1929, soeda f 1.531.000.

Wiwit Djanoewari, Agoestoes 1930, manawi katandjing kalijan Djanoewari — Agoestoes 1929, goenggoeng kempalipoen soeda f 9.769.000. Angsal-angsalaning arta saking kartjis sepoer (kapètang oegi bagage) ing woelan Agoestoes taon poenika, soeda f 218.000 (12,07%) tinimbang kala Agoestoes taon 1929.

Sarèhning boten soemerep Bakjoe Th. Hadipranata sapoenika wonten poendi, mila koela patjak wonten ngriki.

KOELA OEGI BÉLA SOENGKAWA.

Mitra lami:

V. SOETINAH.

CORRESPONDENTIE.

Redactie sampoen tampi, nanging dèrèng ladjeng saged nglebetaken, karangan-karangan saking: J. Pr. Doeke, Mtl.; Rm. P. H. Salam, Mtl.; T. S. Soerabaja: Corr. Bj.: P. Br. Wagir.

P. S. Dj. Wonogiri. Poen karangan boten badé kapatjak, margi kados kirang prajogi. Abn. no. 771. Bab piking "Pakèwed" poenika prajoginipoen karembaga kèwawon kalijan "Canisius." Dados Pakèwed boten badé medal ing kalangan.

Abn. no. 287. Sampoen karoeroes. Badé kakintoenaken.

Abn. no. 290. C. Darmadirdja. Pandjenengan pindah dateng poendi? Lan abn. 265. Pandjenengan wonten poendi?

M. Fr. S. Tirtasodarma: sampoen tampi postwissel pandj. Sw. Tm. badé sowan.

CORRIGENDA:

Sw. Tm. 19 Sept. "Poepoer sadoeroengè bendjoet": Njapaton ningali, ler. njipati n. kabangoen, kadjawèn ler. kagoenan k. dipoenengkoeli ler. dipoenengkoeli kawan kirangipoen 6 ler. kanan-kèringipoen 6.

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja

SWARA TAMA.

dengan bawa lembaran
Swara Tama

dapat POTONGAN.

PAKOLÈH TOER LOEWESAN
SAE TOEWIN AWET
INGGIH NAMOENG
MERK GAZELLE
INGKANG AWOEDJOED

ALCYON
DUNLOP } RIJWIELEN
R. I. W.

Nitjil kénging! — Kentjèng soekoer!

GAZELLE HUIS — ROEMAH GIDANG
MALIOBORO — DJOKJA — TELF. 508.

Boeat toean poenja

ERCEE

Recept²

APOTHEKEN

Rathkamp

MALIOBORO 15 DJOKJAKARTA.

TOKO BARANG - BARANG

H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.

Perkakas dari gelas, dan perkakas dapoer;
Kereta dan korsi boeat anak - anak;
Tempat tidoe, lampoe gasoline, dan
— permainan boeat anak - anak ketjil. —

SEMOEA BARANG PALING DJEMPOL, DAN
MOERAH SEKALI!

Toko DJOEN & Co., Djocja.

PATJINAN MOEKA TOKO FUJI — TELF: No. 374.

Adres jang paling moerah dan paling baik
boewat pembikinannya.

ROTIE-ROTIE, KOEWEE-KOEWEE dan
BESCHUIT-BESCHUIT KERING.

SROETOE-SROETOE dan ROKOK-
ROKOK, jang haloes dan kasar.

Djoega slamanja djangkan loepa minoem kita
poenja KOFFIE BOEBOOK, jang speciaal die
giling dengan machine Electrics, bisa giling aloes
dan kasar, menoeroet pembelie poenja perminta'an
die tanggoeng sampee menjenengken, harga per
pond f 0.90.

Bolih datang saksiken!

Memoedjiken dengan hormat
Toko DJOEN & Co.

AGÈNT KANGGÉ SALEBETIPOEN
NGAJOGJAKARTA.

Sepeda-sepeda merk:
SIMPLEX Cycloide, S. djené, S. petak sarta Simplex Transfer.
HIMA: Wassenaer, Rondrit, Oranje sarta Woestduin.
TOURIST: A. A. sarta A.

Sedija oegi sepeda merk:
RAY — SWIFT — GRUNO — HUMBER — VIALLE —
BURGERS E.N.R. — KROON — NATIONAL — BERGKONIG.
Sarta malih sepeda mirah wiwit pengaos f 55.—, f 65.—, f 75.—
saprabotipoen: Klitting, pompa, lentéra sarta tas isi perka-
kas koentji sarta wadah lisah.

Mentas tampi per S.S. Slamet sarta JOH. de WIT sepeda merk:
ROVER Imperial, continental, The Rover sarta Metallicus.
Sedija oegi Djas djawah, Kopper, Lentéra Stormking, Lemantoe
tosan sarta tjèt wènter.

PENJADÉJAN KENTJÈNG SARTA KATJITJILAKEN.
Menawi perloe moendoet katerangan, badé kakintoe pratélani-
poen kalafan lelahanan.

Njenjadang Welingan.

Rijwielenhandel Reparatie-inrichting en Smederij:
„WIRJOSOESENO”

Lodjiketjil 16. NGAJOGJAKARTA Telf. No. 13.

TJÈT GILAP wedalan **FRIELING** model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;

sablèg regi 10,50 5,50 3,- 1,30 0,75;

TJÈT GILAP model B. kanggé ndjawi lan nglebet
namoeng kantoen ngagem; sablèg netto 10 kilo: f 8,50;
5 kilo: f 4,50.

PABRIK TJET R.B. FRIELING
Gondhomanan 80 — DJOKJA — Telefoon no. 784.

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.-7.30.	Lamah 5.30-6-8.	Pekalongan 6.30-8.	Kepandjèn 6-7-9.
Amboina 7.30.	Lawang 7.	Pemangkat 8.30.	Anita Boul. 6-7.30-9.
Bagan Siapi-api 7.30.	Madioen 6-7.30.	Poerwokerto 7.30.	Soerakarta 6-7-8.30.
Bandoeng 6-7.30-9.	Magelang 7-9.	Poerworedjo 7-8.30.	Tandjoeng Balai 7.30.
Benkoelen 7.30-9.	Makassar 6-7.30.	Pontianak 7-8.30.	Tandjoeng Karang 8.
Blitar 7.30.	Malang 6-7.15-8.30.	Probolinggo 7.30.	Tandjoeng Sakti 7.30.
Buitenzorg 6-8.	Manado 6-7.30.	Salatiga 7.30.	Tara-Tara 7.30.
Cheribon 7.30.	Medan 6.30-8-8.30 (tjina).	Sambas 6-8.30.	Tegal 6.30-8.
Djember 7.30.	Medari 9.30 (mal.).	Sambong 8.	Tering 7.
Djokja:	Meester Corn. 7-9.	Sawah Loento 7-8.30.	Tjilatjap 7.30.
Kampementstraat Eur. 7-9.	Mendoet 6-7.30.	Sedajoe 7.	Tjimahi 6-8.
Kota Baroe 6-7.30.	Modjokerto 6-8.	Sedjiram 5.45-8.30.	Tomohon 7-8-9.
Djombang 7.30.	Moentilan 5-6-8.	Semarang: 6-8.	Wates 7.
Fort de Kock 7.30.	Muntok 8.	Gedangan 6.30-8.30.	Weltevreden: 6-8.
Gandjoeran 7.	Ngawi 7.30.	Bangkong 7.30.	Waterlooplein 5.45-7-9.
Gombong 7.30.	Padang 7-8.15-9 (tjina).	Tjandi 7.30.	Kramat 6-8-9 (mal.).
Keboemèn 7.30.	Padang Pandjang 7.30.	Randoesari 7-9.	Wonosobo 7.30.
Kediri 7.30.	Pajakombo 7.30.	Singkawang 6.30-9.	Woloan 8.30.
Klatèn 7.30.	Palembang 7-9.	Soekaboemi 6-7.30.	
Koeta Radja 6.30-8.	Pasoeroean 7.30.	Heuvel 5.30.	
		Soerabaja:	

1) 1e. Achad. 2) 1e. + 3e. Achad. 3) 2e. Achad. 4) 1e. Achad tian² doea boelan. 5) 1e., 2e., 4e. Achad. 6) 2e., 4e. Achad. 7) 3e. Achad. 8) 3e. Achad.

MANTJA NAGARI.

PARANGAKIK. Begrooting.
Kabinet mentas nampi rantjangan begrooting kanggé taoen ngadjeng. Begrooting waoe: 501 milliard francs, oetawi soeda 300 mlijoen tinimbang begrooting taoen poenika.

Arta ingkang kawedalaken ing departement-department tjalon kasoeda, kadjawi arta-arta ingkang kawedalaken kanggé sakolahan, pensi-joen toewin wadyabala.

Ing rantjangan waoe, anjarjosaken arta ingkang tjalon kawedalaken kanggé njantosani wadyabala, kaidakaken 725 mlijoen tinimbang ingkang sampoen.

SEPANJOL. Pogokan ageng.
Ing Barcelona, mitoeroet pawartos tanggal 18 September, wonten aba ngawontenaken pogokan oemoem.

Panganggepipoen regeering pogokan sagedagan poenika wonten ambet-ambetipoen politiek.

Directie toewin redactiening serat kabar Solidaridad dipoentjepeng. Komité pogokan oegi badé dipoentahan. Warganing komité pogokan poenika waoe panjamboet damelipoen sami boten ngedèng dados boten kasoe-merepan sinten namanipoen.

Kita ngrikoe dipoendjagi. Dadakanipoen pogokan ing Barcelona waoe, margi perscensuur ing kita waoe dipoenlestanoenaken. Mangka ing kita sanès, perscensuur waoe dipoensoe-wak kala dinten Rebo djam gangsal sonten.

ROESLAN. Kawadjaban sakolah.
Manoet telegraafagentschap Roeslan, nagari waoe badé anetepaken wontening kawadjaban laré kedah sakolah, i.p. ing taoen 1930/31 toemrap laré oemoer 8, 9, lan 10 taoen, ing taoen 1931/1932 toemrap

laré oemoer 11 taoen, sarta badé wonten piwoelang mangsoeli kanggé laré-laré wiwit oemoer 11—15 taoen, dangoenipoen ing dalem kalih taoen.

Kadjawi poenika, inggih dipoent-angkah sageda sewatawis taoen engkas ngawontenaken leerplicht pitoeng taenan.

Paréntah sampoen tata-tata badé ngawontenaken grija-grija sakolahan.

NEDERLAND. Sardjana dateng Indonesia.
Prof. Veraart ingkang katjarjos saged damel djawah, kawartosaken béndjing April 1931 badé damel dja-djalan wonten Deli toewin tanah Djawi kanggé kapreloewan ing kaboeididajan-kaboeididajan ing Indonésia. Anggènipoen mriki, noempak baita kapal oedara.

DJERMAN. Graf Zeppelin.
Graf Zeppelin poenika namaning satoenggiling toetoempakan bangsanipoen kapal oedara gadahanipoen Djerman ingkang wiwit roemijin mila kondang saindenging djagad.

Katjarjos, manoeet tjarijosipoen Reuter, paréntah ing Letland pikan-toek pitakénan sarana serat, kénging poenapa déné Graf Zeppelin dipoensendjata lan sinten ingkang njendjata?

Paréntah Letland toewin Rusland sami mangsoeli boten mangertos prakawis poenika. Mangka toekang andjagi wates Letland anerangaken bilih kalanipoen Graf Zeppelin maboer wonten sangginggiling djadjahan Roeslan, mireng swantening sendjata toemoedjoe dateng G.Z. waoe.

DJEPANG. Anti-inoeman keras.
Ébah-ébahon njirik inoeman keras, katingal santer.

Taoen '27, Djepang gadah pakempalan anti - alkohol 579. Sang praboe pijambak paring toelada ngemohi babar pisan inoeman keras. Taoen 1929 pakempalan makaten wa-

oe sampoen mindak dados 1652, warganipoen langkoeng saking 200.000. Sampoen wonten 40 doesoan ingkang ngawisi babar pisan tijang njadé inoeman keras, sawarnining inoeman. Sawatawis kapengker margi oesoelipoen Sho Nemoto wonten wet ngawisi tijang njadé inoeman ingkang nama sake datang tijang sangandapiipoen 20 taoen. Taoen kapengker watesan samanten poenika kaoesoelaken dados 25 taoen, nanging oesoel katoelak.

Toeladanipoen sang praboe andajani ageng sangget datang kawoela.

VARIA

TJLEMONGAN SAKING SOERAKARTA.

I. Congres-congresan!!
Béndjing wl. November „Pangreh Pradja Bond” badé ngawontenaken congres ingkang wiwitan wonten ing Soerakarta. Tanggal lan dinten derèng katemtokaken!

Béndjing December, B. O. lan V.B. P.G.H.B. éstoe ngawontenaken onderwijscongres! Februari P.G.H. B. lan Groepsbonden — congres!!

December „Indonesia Moeda” oegi badé ngawontenaken congres wonten ing Soerakarta!

II. Kabar² saking „Pista Radja.”
Gandèng kalijan Pahargjan katoer Sri Maha Radja Poetri Wilhelmina djangkep joeswa 50 taoen poenika para moerid — moerid ing sadaja pamoeangan Solo sami ngawontenaken aubade ing Gouverneur.

Moerid — moerid pam, Djawi sami njekar „Padmawitjira” katoentoen déning sad. R.C. Hardjasoebrata. Sekaripoen saé sanget; Regent patih lan voorzitter aubade sub comité sami maringaken tarima kasihnja kanti persoonlijk, saha ngalem jèn

tembangipoen mila saé jektos! P.f. mijnheer!! Moerid — moerid pamoeangan Wlandi sami menjanji „Wilhelmus lan Vlaggelied” katoentoen tw. Bolland! Moerid — moerid pam. Tjina inggih badé menjanji.

III. Openbare vergadering „Indonesia Moeda.”
Kala dinten Ngahad „I.M.” afd. Solo ngawontenaken propagandavergadering. Ingkang ndatengi ± tijang 500; wakil pakempalan pepak, kalebet oegi K. W.; wakil pers ndjirab. Lagoe Indonesia Raja kamirengaken kaping kalih! Wonten ing voorrede pangarsa njarijosaken bilih I.M. poenika „jeugdvereening” boten ngganda politiek. Saladjengipoen nampi sesorahipoen sad. Poerwata, tjekak aos njarijosaken wadjabing para moeda Indonésia; kaoem bapak — bapak sami actief, poenapa kaoem moeda mèn-del kémawon?? Njarijosaken reactie-reactie I.M. roemijin nalika taksih J.J., J. Batak, P.I., P. Soematra, sami soeboer — soeboer, nanging sareng dados satoenggaling, ladjeng katab ingkang sami medal, djaluran katab ingkang sami adrijih, dipoen-wastani jèn ngganda politiek! Njarijosaken oenggoeling ra'jat Indonésia djamam roemijin, ingkang maringi tilaran, Baraboeoer, Prambanan, kagoenan njerat, gamelan l. s. p. nanging sapoenika sami gesang memelas; sami mesakaken! Damel critiek keras datang wanita Indonesia ingkang sami „BOBBEDHAIR” makaten oegi prakawis main — tajoeb. nDorèngaken prakawis pandidikan, saged katindakaken wonten ing pamoe-langan, pakempalan, pavinderi! Para moeda prajogi migatosaken bab poenika! „VAN SOLO BEGINT DE VICTORIE” makaten oeloek-

oeloekipoen spreker; djaluran inggih saking Solo poenika I.M. Sais, soemabar ing poendi-poendi panggènan.

2e. Nampi sesorah saking Mej. Hannie Sarech saking Mataram. Spreekster tjekak aos njarijosaken bilih poetri-poetri Indonesia kanti koerban rekaos lan kekendelan ingkang ageng sanget, saged nempoeh pepalang-pepalang kolotisme. Roemijin poetri-poetri Indonesia, kénging kaoepamèkaken kalijan „retja ingkang dipoenpanganggèni” nanging sapoenika poetri² Indonésia sampoen patjak baris wonten sakiwanipoen para moeda kagoeng, kanti njepengi bandera K.I.M. (Kepoeterian Indonesia Moeda). Saha badé njamboet damel dengan keras mboektèkaken bilih I.M. nggadahi tjita-tjita loehoer, nanging sanès pakempalanipoen „sinjo-sinjo dan noni-noni” sahadjia.

N.B. Para maos! barisan poetri ingriki ingkang dipoenkadjengaken Inleidster i.p. bagéan I.M. dados sanès ingkang ngempal ing P.P.I.I.

3e. Lezingipoen Mr. Singgih!! Nenangi para moeda soepados saja madjeng. Reactie-reactie saking tijang sepoeh, ratjak katab ingkang margi tijang sepoeh roemaos isin kawon lan tijang enèm. Ngendikakaken bédaning opvoeding ing pamoeangan lan ing sadjawining pamoeangan! Wadjabing para sepoeh kedah ndjagi para moeda; sampoen ngantos gandroeng tjara kilènan, prajogi ingkang Indonésisch. Lan saladjengipoen onderwijsselsel sapoenika, boten no-tjogi kalijan ideaal poetera Indonesia; saha ngoewoeh — oewoeh kita kedah ndjagi gesang ing kabangsan Indonésia, gesang ing ra'jat Indonesia.

Kirang langkoeng djam 1 pare-patan katoetoep mawi „Indonesia Raja.”

„Tjantrik Timoeran.”